

جوازة سوبر | الحلقة (50) | #الشباب_والصيف | د. حازم

شومان

حازم شومان

السلام عليكم ورحمة الله وبركاته. الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله كله وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين - 00:00:01
في كل وقت وحين. اما بعد شبابنا الجميل جوازة سوبر. عريس سوبر وعروسة سوبر. النهاردة بازن الله سبحانه وتعالى ربنا يرزقهم لكل الشباب لكل البنات اللي لسة ما اتجوزوش. حبايب قلبنا في الله. شبابنا الجميل. المرة اللي فاتت اتكلمنا عن انت بتشتري راجل. اتكلمنا عن ان لازم تشتغل. لازم قبل - 00:00:21

لما تدخل البيت تكون مستعد هيجي شاب دلوقتي يقول لي بص بقى يا شيخ انا اشتغلت وكسبت وبقيت كسيب ونزلت الارض وعملت كل اللي احنا اتفقنا عليه. انا دلوقتي بقيت - 00:00:41

خلاص راجل جاهز بقيت لو دخلت بيت انا راجل دلوقتي لحد كبير اوي مستعد. ايه اللي بعد كده؟ اللي بعد كده ان انا افاجأك يا حبيب قلبنا ان الجواز مش فلوس. ايه - 00:00:51

المرة اللي فاتت كل الكلام اللي احنا قلناه ده لأ مش قصدي كده انا قصدي ان اخر حاجة في الجواز واخر سبب من اسباب نجاح الجواز هي الفلوس امال في ايه؟ في اسباب تانية في غاية الاهمية وفي غاية الخطورة. بصوا يا جماعة الدرس بتاع النهاردة كله فكرته حاجة واحدة. الدرس بتاع النهاردة كله جوازة سوبر - 00:01:01

ازاي تختار صح؟ ازاي تختاري صح؟ لان الاختيار ده قضية في غاية الخطورة. النبي عليه الصلاة والسلام في رحلة المعراج. سيدنا جبريل جاب له كأس خمر وكوب لبن او قبح لبن يعني خمر ولبن وخيره. فالنبي عليه الصلاة والسلام اختار اللبن. فقال له جبريل عليه السلام لو اخترت الخمر لغوت - 00:01:21

من بعدك يعني ايه؟ يعني في اختيارات هتدفعي تمنها لسنة او سنتين من عمرك ضاعوا. وفيه اختيارات هتدفع تمنها عمرك كله. وفيه اختيار هتدفعي تمنها دنيتك واخرتك. وفيه اختيارات لو اخترتها غلط هتدفع تمنها سعادتك. يبقى اذا يا جماعة الاختيارات دي في غاية الخطورة. والجواز ده عامل زي - 00:01:41

حفرة صعب لو انت مش مزبط سرعتك وحاطط ايدك على الدركسيون حلو اوي العربية ممكن تتقلب بك في اللحظة دي. يبقى لازم تربط سرعتك قبل الزواج الدرس بتاع النهاردة كله مبني على حاجة واحدة انا خرجت بها من الحياة - 00:02:01

خرجت بها من الجوازات اللي انا شفتها على مدى السنين اللي فاتت كلها. بصوا يا شباب الجوازة الحلوة حلوة. والجوازة الوحشة وحشة وحشة اوي اوي اكرت مما يتخيل اي حد. يعني ايه عارفين النكتة الراجل اللي بيقول للتاني بيقول له الجواز عامل زي برميل زفت - 00:02:17

بس على وشه شوية غسل فقال له انا باين اني فتحت البرميل بالمقلوب. عارفين النكتة دي يا جماعة؟ النكتة ديت يعني ممكن اقولها لك واقول لك الجوازة الوحشة وحشة. الجوازة الوحشة - 00:02:36

يا شباب ما يشبه مين زفت على وشه شوية غسل. الجوازة الوحشة تحطيم نفسية. الجوازة الوحشة احباط واكتئاب مدى الحياة مشردة متصدعة الحياة راحت منك. الجوازة الوحشة حسرة. الجوازة الوحشة نكد كل يوم. الجوازة الوحشة - 00:02:46

مجتمع كامل. الجوازة الوحشة اولاد مشردين بيخرجوا للمجتمع. مرضى نفسيين. الجوازة الوحشة وحشة اوي. اوي يا شباب.
والجوازة الحلوة حلوة الجوازة الحلوة مملكة انت الملك بتاعها. وانت الملكة المتوجة بتاعتها. الجوازة الحلوة سعادة. الجوازة الحلوة
فرحة كل يوم - 00:03:05

متعة كل يوم بهجة كل يوم. الجوازة الحلوة احساس نفسي بالرضا. بان ربنا اداك حاجة انت شايف معظم الناس اللي حواليك اتحرموا
من في الايام اللي احنا عايشين فيها. الجوازة الحلوة حلوة. والجوازة الوحشة وحشة. يبقى لما يبقى باقول لك اني باحبكم في الله.
وباقول لك ان احنا نفسنا - 00:03:25

بايدين بايدينا في ايدين بعض نروح للنبي عليه الصلاة والسلام على الحوض. وبعد كده ما اقولكوش يعني ايه جوازة حلوة وجوازة
وحشة؟ يبقى دي مش دعوة. ودي مش امانة في الدعوة. عشان - 00:03:45

ما ابقاش خاين لكم لازم نتكلم النهاردة عن قضية اخطر اختيار او اختيار من اخطر الاختيارات في حياتكم كلها. وهو اختيار الزوج
تختار ازاى وتختار ازاى تعيش سعيد في بيتك ازاى وتعيشي سعيدة في بيتك ازاى ده ربنا بيقول للنبي واذ غدوت من اهلك تبوء
المؤمنين مقاعد للقدام - 00:03:55

ربنا بيوصف النبي وهو خارج غزوة بدر. بيقول له واذ غدوت من اهلك بدر احد. ده دي الايات بتاعة بدر احد. في ال عمران. واذ
غدوت من اهلك تبوء المؤمنين مقاعد - 00:04:15

ليه كلمة من اهلك؟ كان خروج الداعية من بيت مستقر بيخليه يعرف ينجز برة. خروج الداعية مسنود وهو وراه بيت مستقر. انما
البيت المتصدع مش هيخرج داعية. مش هيخرج مربى. مش هيخرج محافظ قرآن. مش هيخرج اخت تنزل جولات دعوية على
البنات المتبرجات. مش هيخرج - 00:04:25

توفر الاستقرار للمجتمع وهي مش مستقرة. عايز اقول ان اختيارات الشباب الوقتي في الجامعة وفي الفيس. الشاب بيشوف بنت
عنيها ملونة بيحبها. البنت شف ولد عامل مايكل دون ناس بتحبه. الشاب بيشوف بنت اه لابسة لبس حلو وبيحبها. البنت بتشوف ولد
طيب وحنون وجنتيه وحاجة رقيقة - 00:04:45

وبيجيب لها دبدوب احمر في في العيد الحب وبتحبه. يا اخوانا الجواز غير الحب يا اخوانا الشباب اللي بيحبوا بعض في الجامعة
وفي الفيس وبيتجوزوا وبيتصدموا في بعض. بيكتشفوا ان كل نظرتهم لبعض كانت افلمه. وكانت بتناشى على بعض وكانت يعني -
00:05:05

بيضحكوا على بعض يشوفها كده بعد اسبوع من الجواز خارجة بقى واخدة دش كده ايه يا حبيبتى مالك انت مين انا حبيبتيك انا
مراتي مراتي كانت بيضا مكان كريم اساس يا حبيبي. مراتي كانت عينيها كل يوم شكل. انا كنت مبهور بلون عينيها اصلا. كل يوم
سبحان الله رباني كده مرة - 00:05:24

زرقا ومرة خضرا ومرة عينيها بنفسجي ومرة دي كانت حدسات ده كان طقم عدسات كبير قوي جايباه يا حبيبي. مراتي كانت طويلة
كان كعبة تلتاشر يا حبيبي. مراتي كانت رفيعة ما اه ما كان فيه وسائل. البنات عارفينها يا حبيبي. طب مراتي كان شعرها طويل
وناعم. ده كانت مرة باروكة ومرة - 00:05:44

فرد يا حبيبي. طب مراتي! طب انا انا مش عاجباك ولا ايه! خلاص الزبون اتدبس. القصة خلصت. بعد الجواز يا جماعة اكتشف الزوج
والزوجة ان الحياة ما كانتش لقاء الحب وهم بيتشمسوا في ساحة الجامعة بعد المحاضرة. الحياة الزوجية يا اخوانا الحياة الزوجية
من هنا مشاكل - 00:06:04

الحزو جه مليانة تحديات. الحياة الزوجية مليانة عواصف. الحياة الزوجية مليانة امور كتير جدا. لو ما فيش اتزان واستقرار ما
تقدرش ان هي تقومك عشان ما تتحولش في يوم من الايام لاسرة متصدعة عشان ما تتحولش في يوم من الايام لبيت منهار. بالزات
انت يا بنتي يا شرقية يا اللي المجتمع الشرقي - 00:06:24

ما يدكيش اكر من فرصة واحدة للسعادة في الحياة. انت لا تملكي الا سفينة واحدة تبصري بها. في بحر السعادة. ما تبحريش بها ضد

التيار. الجواز مش المغامرة. الجواز مش مقامرة. الجواز علم. اللي مش هيطلب علم الجواز قبل ما يتجوز هيندم. اللي مش هيستعين بالله قبل ما يتجوز - [00:06:44](#)

اندم اللي مش هيسيب ربنا يختار له وهو يختار لنفسه في المفرق الصعب ده هيندم عايزين ندخل مع بعض في الدرس بتاع الليلة وهو فن الزواج السعيد قواعد الحياة الزوجية السعيدة. القواعد دي يا جماعة حوالي خمسة وعشرين قاعدة كده بازن الله النهاردة. حوالي تلتاشر قاعدة منهم حوالي نقطة واحدة بس - [00:07:04](#)

فن الاختيار وحوالي حذاشر اتناشر نقطة منهم حوالي النقطة الثانية اللي هي قواعد الزواج السعيد يعني نقطة واحدة بس فصلناها في تلتاشر قاعدة. اللي هي فن الاختيار. ازاي تختاري؟ ازاي تختار؟ اختار مين؟ واختار بناء على ايه؟ البنات مالية الشارع - [00:07:24](#)

والشباب ماليين الجامعات والنوادي والبلاجات والفيس والسوشيال ميديا الشباب والبنات ملايين يا اخوانا ستاشر مليون بنت مش متجوزة في المجتمع بتاعنا. اختار مين؟ واعرف مين ان هي دي. واعرف مين ان هو ده ازاي نختار؟ تعالوا نتكلم مع بعض في القواعد الاولانية الخطيرة بتاعة - [00:07:44](#)

الاختيار. ونسأل الله ان يختار لنا. لان الاختيار لو ربنا اللي اختار لك هتعيشي سعيدة. لو انت اللي اخترتي لنفسك ما تضمضيش الاختيار بتاعك يبقى عاقبته ايه؟ اول قاعدة من قواعد الاختيار وقلنا بعد كده هنتكلم عن قواعد عامة في الجواز السعيد بخلاف الاختيار - [00:08:04](#)

ولكن نتيجة خطورة نقطة الاختيار هنتكلم عنها الاول. السبب القاعدة الاولى او او المقوم الاول للاختيار الدين. يعني ايه الدين بقى يا عم الشيخ؟ بص يا عم الشيخ احنا هنقلبها مشيخة انا عايز اعيش سعيد. انا عايز اتمتع. الجواز ده متعة. الجواز ده. استنى بس يا حبيبنا. احنا دلوقتي هنتكلم - [00:08:22](#)

ان من ضمن اسس الزواج السعيد التصور السليم للجواز. الجواز ما هوش استوديو تصوير افلام وحشة. الجواز ما هوش معركة سيطرة مين اللي هيجيب الثاني لمسة كتاف؟ الجواز التصورات الخطاء عن الزواج مدمرة الشباب في الزواج. الصورة الذهنية الخاطئة عن الزواج. انما ركزوا معي - [00:08:42](#)

رقم واحد الدين. رقم واحد رقم واحد والله العظيم يا جماعة. خد بالك يا حبيبنا. اي واحدة لو عملت شعرها وعملت مكياج ولبست لبس جميل هتبقى جميلة بس مش اي واحدة هتصونك طول حياتك. مش اي واحدة هتغض بصرها عن اي راجل غيرك. مش اي واحدة ابدأ هتصون ولادك - [00:09:02](#)

لما تخرج وما تحطهمش قدام قنوات اطفال تدمر لهم. دينهم وشخصيتهم عشان تقدر تقعد على راحتها. مش اي واحدة هتسمع كلامك لما تأمرها. مش اي واحدة هتبقى انت اول راجل في حياتها. وانت اللي متربي على عرش قلبها. مش اي واحدة. طب يعني قصدك ايه؟ قصدك اتجوز واحدة متدينة بس استنى بس اصل المتدينات - [00:09:22](#)

دول ما بيفهموش في اللايف خالص. انا عايز بنت بقى ايه فاهمة في الحب. استازة رومانسية. فاهمة في الحياة الزوجية وفي العلاقة الزوجية الخاصة. بنت فاهمة في الشياكة وبنت فاهمة في الاتيكيت وبنت انا عايز اتجوز واحدة تبسطني وتمتعني وانا استنى بس يا حبيبنا مين قال لك ان المنقبات والملتزمات - [00:09:42](#)

مختبرات واللي لابسين ادناء واللي لابسين اسدال والبنات اللي لابسين حجاب شرعي بمواصفاته السليمة. مين قال لك ان دول ما هماش فاهمين الحياة؟ دول اساتزة في الحب. عارف ليه ان بركان العواطف اللي ربنا مديها للمرأة عندها مش مستهلك. ما استهلكتنوش مع اربعين شاب مصاحبهم على السوشيال ميديا وتلاتين شاب كلمتهم في كزا - [00:10:02](#)

والشباب اه عملت معه لقاعة عاطفية عابرة قبلك. البنت جاية لك بكر مش بكر في الجسد. بكر في المشاعر. بركان العواقب بتاعها كله بتاعك. انت بقى شكل عواطفها زي ما انت عايز. انت المسئول بعد كده مش هي. سم انت برضو انا عايز اقول لك حاجة. اي واحد اي واحد - [00:10:22](#)

هيوضب نفسه وهيعمل آآ وهيروح الجيم خمس ست شهوور ويلعب حديد هيبقى شكله جميل وهيبقى شكله وسيم. بس مش اي واحد هيرحمك مش اي واحد لو قصرت هيرحمك. مش اي واحد لو كبرت وعجزت هيرحمك. مش اي واحد لو مرضت هيفضل يحبك. مش اي واحد هيحطك تاج على راسه - 00:10:42

مش اي واحد هيليك الملكة المتوجة بتاعة حياته. اي واحد اي واحد هيشوف الجميلة هيقول لك كلام حب يغرقك كلام حب بس افرض شافك وانت مش كبيرة. افرض عييتي. افرض مريضتي. افرض اسرتي. مش اي واحد هيرحمك خدي بالك. المتدين ده كنز. انت جوهره. ما تسلميش - 00:11:02

نفسك الا الا الجواهر دي. لو انت عملت نفسك مداس جوزك هيلبسك في رجليه. لو انت عملت نفسك تاج جوزك هيلبسك على راسه. لو انت عملت نفسك نضارة جوزك هيحطك على عينيه. انت بتشكلي زوجك لو هو انسان عنده دين. لو هو الثاني ده ما فيش فايده فيه. الثاني ده مش هيتعادل معك. الثاني ده - 00:11:22

اللي عنده استايل ستايلست حاجة جميلة نمرة حلوة كده في حياته لما يشوف واحدة عينيها اجمل من عينيك. شعرها اطول من شعرك. آآ ملامحها اجمل من ملامحك اتخطف قلبه لها. لان قلبه ما اتشدش ليه غير عشان الشكل. الدين ما حركوش ناحيتك. الدين ما خلاش اخلاقك عنده لها قيمة. وله - 00:11:42

تجديد يبقي ساعتها انت بتسلمي نفسك. انت بتعملي نفسك بضاعة رخيصة. ما سلمتيش ما خلتهوش يقيم اغلى حاجة فيك. وهو دينك واخلاقك انا عايز اقول لك ان فرصة الزواج الوقتي بقت قليلة جدا في مجتمع فيه ستاشر مليون واحدة مش متجوزة. ستاشر مليون دول ايه؟ اللي هم يعني ده لسه فيه اجيال فيه ملايين - 00:12:02

طالعين بيتخرجوا كل يوم. يعني فانت تخيلي ان في مجتمع زي ده اللي تتجوز هنديها نوبل يا جماعة. اللي هتتجوز دي كرامات من الكرامات اللي ربنا هيفيض بها ابشروا يا بنات ان شاء الله كلکم هتتجوزوا. بس ان شاء الله قبل السورة الجاية يبقي الجواز ما عدش سهل. يبقي انت لازم تعرفي حاجة مهمة جدا. اول حاجة ان ربنا - 00:12:24

لازم هو بيختار لك. طب ربنا يختار لك. تخيلي بقى لو انت مش بتقيمي بناء على الدين. ربنا يختار لك ليه؟ واعلمي ان ما عند الله لا ينال بمعصية الله. اوعى تفتكر ان المكياج او عمل الشعر او او هيجيب رزق من خزائن ربنا غصب عن الخالق سبحانه وتعالى. اوعى تفتكري - 00:12:44

كده فلا يحملنكم استبطاء الرزق على ان تطلبوه بمعصية الله. البنت دلوقتي عايزة تعمل اي حاجة وتجب عريس. يا بنتي الرزق مش هيجي بالمعصية. الرزق اللي هيجي بالمعصية ده هيبقى نكد في الدنيا قبل الآخرة. الكلمة الخلاصة قول الله ومن يهن الله فما له من مكرم. لو - 00:13:04

تهدي نفسك في دينك. لو انت ربنا ما اكرمكيش بسبب دينك. مش هتتجوزي واحد يكرمك. المجتمع مش هيكرمك. ما حدش هيقدر. فما له من اكرم اكرمي نفسك بالدين والتدين والنزرة الدينية عشان ربنا يكرمك. يبقي اول اساس في الاختيار اديني يا جماعة ده الاساس الاول. الاساس الثاني رب - 00:13:24

اتنين المقاييس اختيار ايه؟ الطبع. يعني ايه الطبع؟ الطبع ده نقطة خطيرة جدا. حتى كثير من المتدينين مش واخذ باله منها. كثير من المتدينين ما شاء الله. ده بنت ما شاء الله متدينة وبتحضر دروس. وما شاء الله لا قوة الا بالله تقف قدامها كده نص ساعة لبسها ما شاء الله بس سانية واحدة بس يا حبيبنا - 00:13:44

الدين جميل ولكن النبي قال دينه وخلقه. يعني في حاجة اسمها الطبع في حاجة اسمها الاخلاق. يعني ايه الطبع؟ شوفوا ربنا في سورة النساء بيقول ايه؟ الرجال قوامون على بما فضل الله بعضهم على بعض وبما انفقوا من اموالهم. اسمعوا بقى ربنا بيقول للراجل الست اللي تنفع. الست اللي تصلح للحياة الزوجية - 00:14:04

الصالحات. الصالحات هنا مش معناها اللي بتصلي وبتصوم بس. الصالحات هنا اللي تصلح للحياة الزوجية. اللي تصلح ان هي يبقي معها رخصة قيادة اسرة. اللي تصلح انها تبقى شريكة لحياتك في سفينة الحياة. فالصالحات واحد قانتات. اتنين - 00:14:24

حافظات للغيب بما حفظ الله. يعني ايه قانتات؟ قانتات مطيعات. دايمًا في القرآن تيجي بمعنى طاعة الله. هنا بقى مش بس طاعة الله. طاعة الزوج يبقى اول صفة اعتبرت في المرأة الطاعة. لو سألتوا اي راجل يا جماعة - [00:14:44](#)

قلت له اكثر صفة بس راجل يكون قديم في الجواز شوية كده اكثر صفة تخلي الراجل سعيد في حياته ايه في الجواز؟ يقول لك الطاعة. ان انا اتجوز واحدة بتطيعني. ما اتجوزش الشريط - [00:15:00](#)

مخالف. ما تجوزش واحدة مش فاهمة القوامه ومش قابلة القوامه. ما تجوزش واحدة متمردة على الطاعة لزوجها. فاول حاجة قانتات مطيعات اتنين حافظات للغيب ايه هو الغيب؟ كل حاجة وراء باب الشقة دي. الراجل بيجامع زوجته كم مرة غيب؟ الراجل بيدي لزوجته فلوس قد ايه؟ غيب - [00:15:10](#)

راجل اكل مراته النهاردة ايه غير. يبقى كل الغيب ما بيطلعش. حفظة للغيب. اصل كل حاجة جوة البيت اسرار للبيت. ما بتطلعش. دي اللي احنا بنسميها صفة ايه؟ القناعة ما هو اللي بتجار وبتشتكي هي اللي مش راضية بعيشتها. انما اللي عندها قناعة راضية. راضية باللي ربنا سقوا اليها من خلال - [00:15:30](#)

سوكة يبقى الصفتين اللي جم في الاية قانتات الطاعة. حافظه للغيب القناعة بما حفظ الله. يعني المرأة الشيطان ممكن يضحك عليها الست اللي عندها طاعة وقناعة دي ربنا اللي حافظها لك. يعني يا راجل يا اللي اتجوزت جوهرة اعرف ان ربنا هو اللي حافظ لك عليها. وربنا هو اللي رباها لك. الطاعة والقناعة - [00:15:50](#)

يبقى يا جماعة فيه حاجة اسمها الطبع. يبقى لما تزوح زي ما نتكلم دلوقتي بازن الله في اول مقابلة وانت رايح بقى ورايح تستكشف بقى ورايح في الانترنت والاولانية بقى هي وعندها خمسين سؤال وانت عندك سبعين سؤال وقاعدين ركز على الطبع زي ما بتركز على الدين. عشان كده النبي عليه الصلاة والسلام يقول من لا يرحم - [00:16:10](#)

لا يرحم. يبقى اهم صفة تسعد البيت من المرأة هي الطاعة. طب اهم صفة تصعد البيت من الرجل؟ الرحمة. من لا يرحم لا يرحم. انك انت تدوري هو الراجل رحيم ولا لا؟ هو الشاب اللي بيتقدم لك ده عنده رحمة ولا ما عندوش رحمة؟ عنده لما تلاقيه بيبر امه افرحي لانه عنده رحمة. مش تزعلي وتحسي ان انت جاي لك حما - [00:16:30](#)

لما تلاقيه بيبر اخته تفرحي لانه عنده رحمة. لانه عنده اصل هيرحمك به وانت اكثر واحدة هيعاملك به. قال الله سبحانه وتعالى ومن اياته ان خلق لكم من انفسكم ازواجا لتسكنوا اليها وجعل بينكم مودة ورحمة. طب ليه كانت رحمة بعد المودة؟ اصل البت وهي جميلة - [00:16:50](#)

عروسة وهي صغيرة الواحد لما بيتجوز في الاول مرته جميلة يا اخواننا. وهو جميل في عينيها المودة طيب لما تكبر بقى اصل الحياة يا بنات الحياة فقر وغنى. الحياة يا شباب صح ومرض. الحياة يا جماعة شباب وشيوخوخة. الحياة مش غنى وصحة وشباب بس. بكرة بقى - [00:17:10](#)

لما ييجي الخريف بتاع العمر وان شاء الله ما فيش في عمر المؤمن خريف ابدًا. المؤمن شباب لآخر وهو بيموت شباب. قلبه بيتفجر بمعاني الايمان وقلبه مخليه شباب انما لما الواحد لما مراتك هتكبر هتفضل ترحمها. اتجوزي واحد يرحمك لما تكبري. اتجوزي واحد يقول لك انا بحبك لما تكبري. اتجوزي واحد - [00:17:30](#)

ياخدك في حضنه لما تمرضي. اتجوزي واحد لما تحرقى له الرز رز فسيط. وييجي ياكل الاكل يلاقي الاكل مليون ملح او الاكل بايز. ها وتضطروا انتم الاثنين كده ان انتم ترموا الاكل بالحلل في المسقط. برضو ياخدك في حضنه ويقول لك بحبك. ويقول لك ولا يهتمك. انا برضو فرحان بك. انا برضو لو رجعت تاني - [00:17:50](#)

بعد خمس سنين جواز وبعد عشر سنين جواز وبعد ثلاثين سنة جواز مش هختار غيرك. وعمرى ما هختار حد عليك ابدًا. اتجوزي انسان قلبه فيه رحمة لما يشوف ضعفك يرحمك اكثر لما يشوف جمالك. يبقى تاني مقوم الطبع يا جماعة فتشوا عن الطبع يا اخواننا. الطبع ده فيه ناس كتير مش عارفاه اصلا - [00:18:10](#)

وفيه بالزوات الملتزمين ما هماش واخدين بالهم خالص. ان في حاجة زي الدين اسمها الطبع والاخلاق. المقوم التالت من مقومات

الاختيار السليم قبول القوامة اختار واحدة عندها قبول القوامة. بص يا اخواننا يعني ايه قبول القوامة؟ يعني زي ما ربنا قال وللرجال عليهن درجة. لازم تقبلي ان مش معناه ان الرجل احسن منك - [00:18:30](#)

بس البيت ده عامل زي اي عمل جماعي عامل زي شركة لازم مدير. البيت ده سفينة لو لها اتنين قادة اتنين ربان هتغرق. يبقى اذا لازم تعرفي ان البيت ده له ترتيب اداري. البيت ده مش معنى انت ممكن تبقي احسن عند ربنا من زوجك. انت ممكن تبقي في الفردوس الاعلى وهو في اصحاب اليمين في الجنة. ولكن - [00:18:51](#)

ربنا يشفعنا جميعا في الفردوس الاعلى يا رب اللهم امين مع الحبيب محمد. عليه الصلاة والسلام. ولكن البيت ده عمل جماعي. لو ما لوش قائد هيفشل. واحد صاحبنا اتقدم لبنت - [00:19:11](#)

فبتقول له طيب دلوقتي بقى لما نختلف هيحصل ايه؟ قال لها هيحصل ايه؟ قالت له نتشاور. قال لها طب ماشي افرض تشاورنا واختلفنا برضه. قالت له لا ما هو ما فيش حاجة اسمها انك انت بقى - [00:19:21](#)

لا ما هو لو اتشاورت واختلفتم هو لازم يفصل لانه هو قائد السفينة يعني ايه؟ يعني اجيب ديكتاتور واسلمه حياتي؟ لا انا مش بقول كده. يعني اول مرة اتقدمت لزوجتي فانا رايح فانا طبعا مرعوب وببقي اللي بيتقدم مرعوب واللي وهي مرعوبة وكله خايف من بعضه. فانا مرعوب عايز افهمها يعني ايه - [00:19:31](#)

قوامة. فبقول لها بصي يا بنتي الجواز ده سفينة. لو انت ركبت فيها ما تسألش بعد كده السفينة دي رايحة فين؟ طبعا انا بقول الكلمة بحسن نية بقى وفاكر ان انا بقى ايه - [00:19:51](#)

يعني بوصل لها المعاني وزوجتي فضلت ساكتة حوالي عشر سنين بعد الجواز لحد بعد الجواز بعشر سنين يعني اخبرتني ان الكلمة دي رعباها بعد ما سمعتها احنا مش عايزين نصدم بعض يا جماعة. احنا عايزين نحط ايدنا في ايد بعض عشان نوصل للجنة. الجواز ده طريق للجنة. اللي واحد من شيوخى زمان قال لي - [00:20:01](#)

يا ابني عايز تدخل الجنة اتجوز. الكلمة دي ما فهمتهاش غير بعد سنين. الجواز ده طريق يوصلك للنبي عليه الصلاة والسلام. مش ناقل ونقير. طيب سلم نفسك لديكتاتور ازاى؟ ما انا قلت لك سلمي نفسك للديكتاتور. ما انت عندك اول مقابلة. وتاني مقابلة. والخطوبة ادرسيه افهميه لاتييه انسان امين. انه - [00:20:21](#)

وقائد لحياتك وقائد لسفينة حياتك. سلمي له نفسك. ما لقتيهش انسان امين. خلاص يبقى ما تغامريش. لان زي ما قلت لك الجواز مش مغامرة. ولكن القوامة زي ما ربنا قال الرجال قوامون على النساء. يبقى البنت اللي قبل القوامة دي بتعيش سعيدة. والله يا اخواني بعد سنين زواج انا بقول لكم - [00:20:41](#)

ان ما بيكسر الرجل غير كسرة الست له. ما بيكسر الرجل لمراته غير كلمة حاضر. غير كلمة تحت امرك غير كلمة الطاعة الرجل اللي بيلاقى مراته طيبة ومطبعة بتبقى مشتاق على راسه ولا بتبقى حاجة على عينيه. ده بتبقى فعلا ملكة متوجة في حياتك - [00:21:01](#)

ما يقدرش يقول لها لا في حاجة. ليه؟ لان فعلا يعني دي النفسية اللي ربنا جبل الرجل عليها. اول ما بيلاقى الست مطيعة الا لو راجل لثيم بقى ربنا يحفزنا امال احنا - [00:21:21](#)

هنتكلم دلوقتي عن الخطوبة وعدم تجاوز مرحلة الخطوبة ليه؟ وعن فن اول مقابلة وعن فن الاختيار ليه؟ يبقى اذا يا اخواني في الله القاعدة الثالثة وهي قبول القوامة. لازم تقبلي القوة. ادرسيه ولكن لما ترتبطي به افهمي ان بقى هو القيم ان بقى هو المدير - [00:21:31](#)

لسفينة الحياة اللي بينكم. القاعدة الرابعة القبول الشكلي. يعني ايه القبول الشكلي؟ يعني لازم شكله يعجبك ولازم شكلها تعجبك. اه اه اللي بيتجاوز النقطة دي غلط يا جماعة. اوعى تتجاوز وانت في نقطة في مراتك ما انتاش قادر تعديها - [00:21:49](#)

خدوا بالك الكلمة دي خطيرة جدا. والكلمة دي صعبة جدا والكلمة دي يعني ممكن لا تتخيل بقى ان واحد بيدعو الى الله يقول لك الكلمة دي هيقول لك معلشي ومش مهم الشكل لا الشكل مهم. بدليل ان ربنا سبحانه وتعالى قال كده قال ولو - [00:22:06](#)

شبكة حزنهن بس فيه فرق بين ولو كانوا حسنوات وبين ولو اعجبك. فيه فرق ان واحدة تعجبني وان واحدة تبقى ملكة جمال. انا مش عايز ملك الجمال انا عايز اتجوز واحدة اقبلها. عنيا تقبلها. ممكن يكون باقي اعين الناس مش عجايبهم. ولكن انا في عيني حلوة. انا اقبالها. يبقى القضية مش قضية - [00:22:20](#)

الشكل عشان كده انا سميت العنصر ده القبول الشكلي مش الجمال الشكلي عشان كده الرسول عليه الصلاة والسلام يقول انظر اليها فانه احرى ان يؤدم عايزين تعيشوا مع بعض لازم كل واحد يحط عينه في الثاني كده ويشوف الثاني عاجبه ولا لا. لما النبي عليه الصلاة والسلام قال للصحابي انظرت اليها لما راح المهاجري خطب واحدة من - [00:22:40](#)

الانصار قال له فان في اعين الانصار شيئا. في اعين يا رسول الله احنا هنبص للعينين كمان! احنا هنبص للمامح! اه هنبص للعينين! وهنبص للمناخير! وهنبص للبق! ها! ولكن مش بالطمع. مش اللي بيتفرج على افلام اجنبية وبيتفرج على افلام وحشة بقى. وجاي بقى الصورة الزهنية المسالية بتاعته عايز ايه؟ واحدة بقى جامعة - [00:23:00](#)

ملامح الممسلات العالمية. ده واحد دمر حياته اصلا. دمر حياته بان هو اتفرج على حاجات. هتفضل عائق بينه وبين انه يستمتع بمراته طول الحياة دي واحدة دمرت سعادتها باللي اتفرجت عليه. هتفضل طول عمرها تقارن ما بين جوزها وبين اللي اتفرجت عليهم. دول حطموا نفسهم. الانسان اللي بيكر - [00:23:20](#)

يعني ايه الانسان اللي بيغض بصره ده انسان مراته عروسة كل يوم. لانه ما يببصش على واحدة تانية اصلا. فجوزها عريس في عينها كل يوم ومراته عروسة في كل يوم يبقى القبول الشكلي. القبول الشكلي هتبص عليه. هتبص على ثلاث حاجات. هتبص على ملامح وشها. معقول! معقول! احنا عايزين جيد. احنا عايزين مقبول. احنا عايزين - [00:23:40](#)

مقبولة. رقم اتنين الملامح الجسدية. الطول والعرض. رقم ثلاثة الشعر. طب انا يا شيخ هخليها تكشف شعرها ازاى؟ حبيبي ما انت عندك ماما عندك اختك وعندك عندك الفاميليا بتاعتك ما هي هتروح تشوف. واخدين بالكم معي يا جماعة يبقى ازا دي حاجات ان احنا نتأكد من القبول الشكلي - [00:24:00](#)

الشاب دايم لما بيروح يتقدم لواحدة اول مرة آا يبص عليها كده فيتبسط لو هو عجايبه يعني يقوم يخرج يقول لي ايه ده! انا نسيت هي كان شكل عينها ايه! ده باين عينها ما كانتش حلوة. هي انفها بانه ما كانش - [00:24:20](#)

هي بؤام ما كانش حلو. يقوم يتربع. فيروح بقى المقابلة الثانية يبص يلاقي الحمد لله. ده طلع الشيطان هو اللي كان بيضحك علي قبل كده. حاجات لزيظة يا جماعة المرحلة دي مرحلة لزيظة. الشاب اللي هياخذها بعقل وحكمة. والبنت اللي هتاخذها بربانية واستخارة لله. هيعيشوا مرحلة جميلة. وربنا هيختار لهم وهيتمتع - [00:24:34](#)

بكل مرحلة من مراحل حياتهم. المتوترين بقى اللي بيتفرجين على الافلام الاجنبية واللي قعدت تتفرج على جون سينا وابطال المصارعة. وعازيظة جوزها جاي لها بقى يبقى واللي مستني مراته تبقى فلانة اللي اتفرج عليها في الفيلم الفلاني. واللي بيتفرج على افلام قدرة والعياذ بالله. ومستني ان زوجته بقى تقلب له البيت استوديو في - [00:24:54](#)

لا دول يا جماعة بيتحطموا بعد الجواز. لانهم واخدين صورة زهنية مدمرة عن الزواج. يبقى رقم اربعة ل قبول الشكلي. رقم خمسة. انا مش عارف بقى احنا المفروض ان شاء الله نتكلم في الاربعة وعشرين نقطة دول في الساعة اللي احنا بنتكلم فيها. رقم خمسة يا جماعة الرضا. الرضا يعني ايه الرضا؟ قلنا الدين وقلنا - [00:25:14](#)

طبع وقلنا القبول الشكلي وقلنا قبول القوام. رقم خمسة الرضا. يعني ايه الرضا؟ يعني معظم الشباب تلاقيه يقعد يدور ثلاث اربع سنين. ثلاث سنين ليه يا ابني مش عاجبه حد مش راضي لا اصل دي ابوها ما هواش شغال وكيل وزارة واصل دي اه طولها مش عارف كم واصل دي مش عارف - [00:25:34](#)

واصل ده اصل انا لما قعدت مع والدته خفت من والدته بصراحة. والدته شكلها تبقى حاجة صعبة لا لا لا لا. خشت دي ليه؟ اللي بعده النتيجة ان الشباب بيخوض تجارب قديمة عشان ايه؟ يا اخوانا الرضا يا اخوانا قيموا صح. بصوا يا جماعة انا هديكم قاعدة يعني خطيرة جدا في الجواز. قبل ما تدخل اي بيت - [00:25:54](#)

حبيب انت عايز ايه قبل ما يتعرض عليك انت عايز ايه؟ يعني مسلا انا لما جيت اتجوز حددت تلت حاجات ايه اللي لقيتهم في القرآن؟ الدين عسى ربه ان طلقهن ان يبدهن ازواجهن خيرا منكن ومسلمات - [00:26:14](#)

بداية قانتات الدين. اتنين الشكل ولو اعجبك حسنهن. ثلاثة الطبع فالصالحات قانتات حافظات للايه؟ للغيب بما حفظ الله. قلت خلاص دول التلات حاجات اللي ربنا قالهم لنا عن المرأة في القرآن انا عايز التلاتة دول. حددت انت عايز ايه؟ ما انتش عايز بقى واحدة ما هو وكيل وزارة وولاد خالتها ووكلاء نيابة وولاد عمته رجال اعمال - [00:26:26](#)

واخواتها اساتذة جامعة ما تقعدش يعني ايه الناس بتدمر حياتها بالافورة. الشاب يجي يقول لك بص والله انا عايز عروسة بس معلش والله انا انا انا طليبي دينها وشكلها. والدتي بقى طلبها مستواهم الاجتماعي. ابويا بقى طلبه شهادتها ومستواهم المادي - [00:26:46](#)

ايه يا ابني انت انت بلاش نزرية زوات الاربعة دي يا جماعة. تنكح المرأة لاربعة دينها ومالها وجمالها. وحسبها الشاب عايز زوات الاربعة. حبيبي ما ينفعش. ما انت كده حطم حياتك. الرضا حدد انت عايز ايه. اللي انت لو نقص انت مش هتتجوزها. ولو اي حاجة تانية عندها مشكلة فيها انا ايه - [00:27:06](#)

التفاضى عنها. انما ده انا مش هقدر اتفاضى فيه. حدد طلبين تلاتة وادخل. لقيتها جيد جدا في التلاتة خد وتوكل على الله. ما تدخلش بيتين في وقت واحد. ما تبصش - [00:27:26](#)

على عروستين في وقت واحد ما تقارنش. ما تختارنش الاحسن. عارف احسن واحدة في الدنيا لك مين؟ اللي انت رضيت بها. اللي ربنا قزف في قلبك الرضا لما انت شفتها هي دي هي دي زي ما هنتكلم دلوقتي في عنصر التلميس العاطفي المتصاعد. وده من مقاييس الاختيار يعني ان شاء الله. الرضا ارضى. لان - [00:27:36](#)

لو ما رضتش والله لو جابوا لك ملكة جمال عالم فيه رجال متجوزين ملكات جمال ومش راضي. ومعزبها ليه؟ هي توكلت على جمالها مش على الله في الجواز. قربنا وكلها لجمالها. وهو انسان متجوزها ملكان. فخلاص طب ما فيه الف ملكان هي شعرها اصفر فيه اللي شعرها اسود. وفيه اللي شعرها ايه - [00:27:56](#)

مياه زرقا فيه اللي عنيتها خضرا هي الموضوع يا جماعة لو لو جسد لو مقاييس جسدية انت خسرا. عشان كده البنات لما بيقبلوا الجواز معركة تبرج بتخسروا كل حاجة. لانك انت لو نزلت مقارنة ملكة جمال العالم. لو نزلت في مقارنة هتخسر. لان خلاص التنوع جبار. التنوع - [00:28:16](#)

حدود له. يبقى الحل ان انت تطلعي بدينك. تطلعي باخلاقك. يبقى هي رقم واحد. هتفضلي كبيرة في عين جوزك طول حياتك. لانه مقدرك بحاجة السوق بتاعها ما بينزلش يرجون تجارة لم ظهور. سوء الجواز بيبور سوق الجمال بيبور. سوء الشهادة بتبور. سوق المركز بابي ومامي بيبور - [00:28:36](#)

انما سوء الدين والاخلاق ما بيجرش ابدًا. يبقى دي الرضا يا جماعة عشان ما تقعدوش بتعزيب. حدد انت عايز ايه؟ وحدد. حاجتين تلاتة انت مش رايح تتجوز سوبر رومي. ها وفي نفس الوقت لقيتهم جيد جدا اقبل. لقيت فيهم حاجة ناقصة - [00:28:56](#)

ارفض واقفل الموضوع تماما. ليه؟ اوعى تتجوز واحدة فيها حاجة ما انتاش قادر تعديها. اوعي تقبلي واحد فيه حاجة ما انتش قادرة دي من قواعد الحياة يا جماعة. الجواز ربنا ادانا فيه اختيار وسعة ومراح وده مش حرام وده ما فيهموش حاجة. انك تقولي لأ العريس مش حرام. وانك تقول - [00:29:12](#)

لأ العروسة مش حرام ده دين ربنا. دين ربنا. يعني يعني حاجة الله سبحانه وتعالى اباحها. سيدنا فائز السيدة فاطمة وسيدنا علي كانوا راضين ببعض وسعداء جدا رغم ان كان فقير جدا جدا وكانت السيدة فاطمة بنت النبي عليه الصلاة والسلام داخل عليها لقاها ماسكة عود السواك عود الاراك - [00:29:32](#)

وبتتزوج به الف لها شعر. قال اما تخشى يا عود الاراك اراك! انت مش خايف يعود الاراك ان انا شايفك بعيني ده انا هذبك. بيكلم بيألف شعر الازواج هذبك انت ازاي تقترب من ثغرة حبيبي ومن ثغر زوجتي يعني هي عاطفية جميلة يا جماعة الرضا جميل يا اخوانا الرضا بيحب سعادة في الحياة - [00:29:52](#)

رقم ستة التكافؤ. تعالوا نتكلم بواقعية يعني ايه التكافؤ؟ التكافؤ الثقافي. التكافؤ الاجتماعي. التكافؤ المادي. ما تبقاش انت شاب فقير وتروح تتجوز واحدة ابوها عنده خمسين ليه؟ واحنا ما لناش نفس نطلع على وش الدنيا وهم احسن! هم يا حبيبي مش احسن منك في حاجة. بس حبيب قلبي انت لو سمعت تعليقات الناس دمك هيتحرق - [00:30:12](#)

انت ما تبقيش مسلا يعني يا اخواننا بصوا الموضوع ده مش مؤلم الموضوع ده الفقهاء اتكلموا فيه كتير جدا الموضوع تكافل موضوع ان ان يعني يعني زايد بن حارس هو من هو من الصحابة؟ والسيدة زينب رضي الله عنها هي مليان من الصحابة واتجوزوا بعض هو فقير واسود وهي شديدة الجمال وبنت الاثرياء وبنت - [00:30:32](#)

ما عرفوش يعيشوا مع بعض. وهو عظيم لدرجة انه ذكر اسمه في القرآن. فلما قضى زيد منها وتر. زوجتك وهي صحابية جلييلة ما قدروش يعيشوا مع بعض. ما قدروش يعيشوا مع بعض ليه؟ رغم ان النبي عليه الصلاة والسلام كان يتمنى انهم يعيشوا سعداء مع بعض وكان يبيزق في هذا الزواج بكل قوة النبي عليه الصلاة والسلام - [00:30:52](#)

التكافؤ حاجة اساسية يا جماعة. ولكن في النهاية يعني لم يعتبر عيب ان هم طلقوا. لم يعتبر عيب. ولم يعتبر اي في شيء خوه صحابي عظيم. وهي صحابية جلييلة وبقت بعد كده ام من امهات المؤمنين رضي الله عنها. وارضاهها ورضي الله عن اصحاب النبي صلى الله عليه وسلم. وارضاهم جميعا. قضية التكافل - [00:31:12](#)

ده ما فيش حد احسن من حد. ولكن الفكر يبقى واحد. السلوك يبقى واحد. المفاهيم تبقى قريبة من بعضها. واخدين بالكم معي. واحدة متعلمة تعليم امريكاني مسلا او مدارس النبي هتتجوز وقت هيحصل اصطدام. ليه يحصل اصطدام؟ التكافؤ. التكافؤ آ في المستوى الديني. التكافؤ في المستوى الثقافي. التكافؤ في المستوى - [00:31:32](#)

الاجتماعي. طيب القاعدة اللي بعد كده رقم سبعة عدم وجود فيتو من الاهلي. يعني ايه عدم وجود فيتو؟ يعني يا اخوانا الجواز ما هوش شركة ما بين طرفين غلط. اللي الشباب في الجامعة دلوقتي فاكرين - [00:31:52](#)

الولد فاجئ الولد جاب البنت في الجامعة في من قريب في في جامعة عين شمس وقاموا قدام شباب الجامعة كلهم تقبليني زوجا اقبلك زوجا لبسها الخاتم نبوي يسحبهم قاموا مسقفينه هو ايه يا ابني فين يا جماعة الجواز مش شركة بين اثنين الجواز شرك بين ستة بين العريس - [00:32:06](#)

والعروسة وابوه وامه وابوها وامها ستة. كل واحد من الستة دول يعترض ده فيكم. ما ينفعش الجوازة دي تكمل ما ينفعش لان ده كلام الخبرة. ده كلام الحياة. ما ينفعش ابوك يبقى رافضها. ما ينفعش والدتك تبقى بتعيط مناخيرها جه فيها نزيف من كتر ما الضغط عيلة في دماغها. من رفضها لها - [00:32:27](#)

وانت مصمم انك تتجوزها ما ينفعش يا ابني. مش ما ينفعش عشان بس حرام. مش ما ينفعش ما ينفعش لان الجوازة انها تخرب. بعد سنة او بعد خمس سنين ما ينفعش يبقى ابوك رافض وانت تدوسي على رفضه. وتكملي الا في حالة واحدة بس - [00:32:45](#)

الا لو الرفض من الاهلي بسبب الدين فقط. لا بسبب الشخصية ولا بسبب الدنيا ولا بسبب الدين. ده انا عايز واحد مش متدين. انا عايز واحدة مش متدينة ومش منقبة ومش ملتزم او والكلام او مش مختمرة او انا عايزة واحدة مش متربة يبقى ساعتها نبدأ نتكلم بقي. نبدأ ندخل ناس من برة نضغط نتعامل - [00:33:01](#)

بطرق سليمة في التعامل مع ابائنا الاجلاء في هذا الموقف. انما قضية عدم وجود فيتو من الاهل. لازم الاهل يبقوا مبسوطين لازم الاهلي مش بقول لك ارضي مطامع اهلك. ولكن لازم يبقوا موافقين. لازم يبقوا مرضيين ده منبر الوالدين حتى القاعدة التامنة. ودي مهمة جدا - [00:33:21](#)

خطيرة جدا. عدم الشزوز. عدم الشزوز في مهنة للاسرتين. يعني ايه؟ الوقت الكل بيختار بناء على المركز الاجتماعي. رقم واحد العيلة بتشتغل ايه؟ والمستوى اللي بتبقى شكله ايه قبل الشكل ممكن يتجوز عروسة مش عاجباه ولكن المستوى الاجتماعي عالي. ممكن يتجوزوا عريس وهي اصلا مش طايقاه ولكن المستوى الاجتماعي بتاعته عالي. يبقى المستوى الاجتماعي؟ لا يا جماعة - [00:33:39](#)

بصوا يا اخواننا الصحفي نقطة المستوى الاجتماعي مش ان انا اقعد ادور على الفشخرة غلط يا اخواننا. امال الصحفي المستوى

الاجتماعي ايه؟ عدم الشزوز. يعني ايه عدم الشزوز؟ يعني مسلا اخواتك المخاطرة - 00:34:05

مراته اتسجن شزوز ما ينفعش. فيه مسلا آآ يعني مهنة مسلا في احد الطرفين مش ممكن. تقدر تواجه اسرتك مسلا بالايه في هذا الامر
انما انا عايز افهمكم برضو نقطة ضابط لو انتم كنتم ركزتم معنا في الدرس اللي فات. لما اتكلمنا ان سيدنا داود كان حداد. لما اتكلمنا
ان سيدنا آآ ادريس كان - 00:34:15

آآ كان خياط لما كلمنا سيدنا زكريا كان نجار. يعني لو سيدنا زكريا ابو اللي انت متقدم لها هتقول ابوها نجار لا لو سيدنا داود ابو
اللي انت متقدم لها - 00:34:35

لا لا ما تجوزش بنت حداد! يعني لو سيدنا محمد ابو ما اتجوزش بنت واحد رعى غنم! يا اخوانا الحرفة مش عيب! بلاش ننزل
بتصوراتنا. العيب هو العيب والحاجة المشينة - 00:34:45

العيب هو الحاجة الشازة. انما يا اخوانا الحرفة ما هياش عيب. يبقى عدم الشزوز في المستوى الاجتماعي للاهل من الطرفين. عدم
الشزوز. انما التميز لأ احنا عايزين الدنيا شكل الطبع هو اللي نوصل فيهم من جيد لجيد جدا بازن الله سبحانه وتعالى. طيب القاعدة
اللي بعد كده الاستخارة القوية بقى - 00:34:58

الاستخارة اوعى تاخذ قرار خطير زي ده في حياتك من غير ما ترفع ايدك وتقول يا رب تتوضى وتصلي ركعتين. وتقول اللهم اني
استخيرك بعلمك واستقدرك بقدرتك ربك لو خير يا رب يسرها لو شر اصرفها عني. لازم تستخير ربنا. مهما كنت بتحبها مهما كنت
متعلقة به. مهما كنت شايفها باب السماء - 00:35:16

فتح بويانا نزلت لازم تقول يا رب اختار لي انا جاهل. وعاجز وانت اللي تقدر وانت اللي تعلم يا رب. طب استخير ازاى بقى يا شيخ؟ انا
استخرت واه وما شفتش رؤية وواقف يا جماعة الاستخارة لها آآ الية. رقم واحد انك الاول تشوف دنيويا العريس ده يترفض ولا لا ولا
يتقبل؟ يبقى انت - 00:35:36

قعدت تدرسي وتشاوري اه العروسة دي كويسة. يبقى الخطوة الاولى انك تحسبها بالحسابات العقلانية. انا وصلت عقلانيا ودنيويا ان
دي كويسة. الخطوة الثانية الاستخارة. الاستخارة مش وانا مش دارس ولا انا مش عارف حاجة. الاستخارة لما تشاور وتدرس وتوصل
ان في حاجة هي دي غالبا الصح. يا رب غالبا - 00:35:56

دي هي اللي تنفعني خلاص. يبقى ايه؟ ندخل في الاستخارة. يا رب هي خير ولا شر. طيب وبعد ما استخرت تمضي وتعزم في
الطريق. الله! طب ما استناش اما اشوف - 00:36:16

لأ الاستخارة يا جماعة ما لهاش دعوة باللي تشوف رؤيا. اول ما تشوفيش رؤية. لو هي خير وانت استخرت ربنا هييسرها. لو هي شر
وانت وانت استخرت ربنا يصرفها. فهمتم بقى؟ هي دي الاستخارة يا جماعة. هو ده انما الطرق الغير عقلانية اللي الشباب بيعملوها
ديت مش موجودة. يبقى الاستخارة القوية - 00:36:26

القادة اللي بعد كده عدم الانتماء قبل الزواج دي نقطة مهمة جدا ما تتجوزش واحدة كان لها حبيب وصديق قبل الزواج ما تتجوزيش
واحد كان علاقة عاطفية جبارة وانت لو مش عارفة خلاص ما انتاش عارف خلاص. انما انت عارف وتجاوز دي مشكلة كبيرة جدا. لان
في شباب بالنسبة لهم عادي. يعني في شباب بالنسبة لهم يعني - 00:36:47

يعني ايه الموضوع بايه؟ عدم الانتباه للزواج ولا متخذات عقدان. ده شرط ان الشرط اللي ربنا قالها في الزواج في القرآن. ما تبقاش
كان لها انتيم قبل الجواز. ليه بقى - 00:37:05

مشكلة علاقات الحب. اول حاجة بتفضل فيه رواسب. ومن اسباب الخيانات السبب الاول للخانات الزوجية هو الانتباه للزواج. هو
العلاقات اللي قبل الزواج. يبقى دي نقطة خطيرة جدا. بيفضل فيه رواسب نفسية. قلبها مش هيفضل فيه جزء مش بك. قلبك قلبه
هيفضل فيه جزء مش لك. طب والنقطة الاخطر من كده؟ النقطة - 00:37:15

اخطر من كده بكتير جدا المقارنات ان هي اتعرفت على شاب في الجامعة. الولد بياخد المصروف من بابا. وبينزل مش اي بنطلون
جينز والشراب لون التيشيرت الحظاظه مش اي حاجة الحلقة اللي في سبعين تمانين جنييه ولا بمية مية وخمسين جنييه يعني فهي

شايقة واحد باشا قعد يتجهز لها طول - 00:37:35

ما هياش شايقاه وهو نايم وهو بياكل وهو عنده مغص وهو تعبان وهو متترفز ما شفتش الحياة شافته كده ستايلست قدام شايق بنت قاعدة تلت ساعات تتمكيح وامبارح قاعدة ست ساعات تعمل في شعرها عشان استعدادا للقاء آآ معه في الجامعة ثاني يوم. هو شايق واحدة ما وراهاش حاجة. ما - 00:37:58

حامل وهي بتولد وهي معه ثلاث عيال مطلعين روحها وهي الاكل على النار والغسيل في الغسالة والحلقوم بتنشرها وفي حاجة بتكويها بيتنصف والولا مقطعها وهي حامل ما شفش الحياة. فبتبقى مقارنة زالمة ما بيفضل طول عمره - 00:38:18 يقارن ما بينك يا اللي رضيت تتجوزيه وما بين البنت الجميلة اللي كان بيتعرف عليها بيقفوا مع بعض يتشمسوا مع بعض تحت الشجر جنب الشجرة كده في الجامعة مقارنة ظالمة هتفضل طول عمرك فيها ما بينك وما بين الشاب اللي هي كلمته. ويبقى منها ظالمة لانها مقارنة غير واقعية. يبقى عدم الانتباه قبل الزواج - 00:38:38

وده يا شباب اكبر سبب يعني الحب قبل الزواج بيستنفع العواطف بعد الزواج. النظر للمواقع الاباحية قبل الزواج والنظر للافلام الاجنبية والنظر لكمال الاجسام قبل الصورة الزهنية للزواج بيخلي يعني ايه ما فيش سعادة حقيقية. ما فيش رضا عشان كده الطلاق كتير ليه؟ ما فيش رضا. ما فيش رضا. مين اللي هيرضى - 00:38:58

مين بعد كل اطلاق البصر في المحرمات اللي احنا شايفينها قدام عينينا القاعدة اللي بعد كده في قواعد الاختيار عدم المواقع الاباحية قبل الزواج. دي نقطة خاصة بقى انا حطيتها في عنصر لانها خطيرة جدا. عدم مشاهدة المواقع الاباحية قبل الزواج. طب دي نكتشفها ازاي؟ هي - 00:39:20

القضية بتكتشفها. انا مش بقولها عشان انت تقعد بقى ايه تبص لها هو انت بصيت على حاجة قبل كده وانت تقعد بقى تبصى له. هو انت اتفرجت ما هو ما فيش حد هيقول له نتفرج على حاجة. انا باقول - 00:39:40

عشان افهمكم ده بيدمر الزواج قد ايه. عدم مشاهدة المواقع الاباحية قبل الزواج اللي بيتفرج على المواقع الاباحية. الجواز بيبقى متهيأ له ان هو بيته ده استوديو اه تصوير لهذه الاشياء بيبقى عنده يا عيني هوس. هوس في في الامور الجنسية. هوس وبيتحطب وبيجي له اكتباب. وبيرفض - 00:39:50

مراته والعياذ بالله معظمهم بعد الزواج. سواء من الرجال او النساء اللي بيقعوا في المواقع الاباحية معظمهم بعد الزواج بيلجأوا للعادة السرية ليه؟ لان هو لم يشبع هو كان بيتهيأ له ان الجواز ده استوديو بقى ونازل فيه بيلقي ان الجواز ده حاجة واقعية. كان بيتهيأ له بقى ان اللي بيتصاب وبيتفرج عليه في الافلام ده حاجة. يفاجأ ان - 00:40:10

يعني مش بهذه الدرجة اللي مأفورين فيها فبيتصدم بيهرب بيكتئب بيحبط يعني يعني ما تشوفوش ذله وزوجته يعني بتتزين له وهو مش قادر يقرب منها لانه مستنفر. لانه مستهلك اصلا ضعيف. آآ ما بتشوفوش ذله ويعني ما يقدرش يعني - 00:40:30

يعني يلتقي مع زوجته في اللقاء الزوجي الا مش عارف لو خد ادوية ولا لو اتفرج على حاجة هو هنا يا جماعة شفوش انكساره المواقع الاباحية دي يا اخوانا اللي بيتفرج عليها بيمر - 00:40:50

اي حد بيتفرج عليك. المرحلة الاولى بعد ما بيتفرج على طول مرحلة الندم القاتل. واحتقار النفس. الندم ندمان وحس انه حقير وحاسس انه عايز يبصق على وش نفسه. المرحلة الثانية آآ بعد مرحلة الندم القاتل مرحلة اليأس والاحباط. انا ضايع انا ما فيش فيها فايده انا منهار - 00:41:00

انا ما استاهلش انا منافق. المرحلة الثالثة مرحلة سوء الظن بالله. ربنا سابني ليه؟ ربنا ما عصمناش ليه؟ وانا عايز طريقه مرحلة سوء الزن الى مرحلة ربنا سايبني ليه؟ والعياذ بالله ايه السبب الاول للحاد في العالم الوقتي؟ ربنا سايبني ليه؟ المرحلة بس كل واحد له بقى حاجة بيقول ربنا سايبه فيها. المرحلة الرابعة - 00:41:20

بعد سوء الظن بالله مرحلة الاستياع بقى خلاص باظت باظت مرحلة لا عاد عايز يسمع دين وقعد يتريق على اي حد يكلمه في الدين ومش عايز حد يقلب له الضمير بتاعه ويقوم دايس بنزين وباظت باظت بقى وخلاص ومش مواقع اباحية - 00:41:40

زنا وكمان اللي هو بازت بازت. ما شفتوش قهرة قلبه وزله لما بيتفرج ما شفتوش ذلوا لما زوجته تكتشف انه وقع في عادة سرية وتقول له ليه؟ طب ليه؟ طب واحد متزوج طب ليه؟ ولا لو زوجة؟ قضية عفنة يا جماعة - [00:41:54](#)

غير عقاب لابئين فيها احقابا. الاف السنين والعياذ بالله عقاب في الدنيا قبل الاخرة. سواء محياهم ومماتهم مش بعد الموت بس محياهم بالعقوبة في الحياة ثم بعد الموت. يبقى آآ دي قضية خطيرة جدا. قضية عدم المواقع الباقية قبل الزواج. النقطة -

[00:42:12](#)

بعد كده عدم الاستعجال في الاختيار. آآ ودي نقطة خطيرة جدا. دي النقطة اللي قبل الاخيرة في قواعد الاختيار. عدم الاستعجال في الاختيار. يعني ايه عدم الاستعجال؟ يعني شباب يا جماعة بيتهاوا ان الجواز ده هو الجواز ده مفتاح السعادة والجواز ده بقى مش هيستقر غير لما اتجوز ومش هيقدر ينطلق غير لما اتجوز ويا عم بس - [00:42:32](#)

ما تعلقش كل حاجة في حياتك على الجواز. يا عم بالراحة. فتلاقي الشاب قاعد من بيت لبيت. ومن واحدة لواحدة وحياته واقفة وحياته مشلولة. يا عم بالراحة. دور على عروسة - [00:42:52](#)

لو انت حياتك ماشية. ما تشلش حياتك. يعني الرعب اللي عند الشباب من انه يعيش وحيد او عند البنات انها تكبر وتعيش وحيدة. يا جماعة الرزق جاي جاي جاي عدم الاستعجال في الاختيار. عدم الاستعجال وحش. الاستعجال بيخلي الانسان عينيه تنعمي. عينيه تنعمي وهو بايه؟ وهو بيقيم. عدم - [00:43:02](#)

النقطة الاخيرة التلميذ العاطفي التصاعدي. يعني ايه التلميذ العاطفي التلبيس العاطفي التصاعدي له. يعني سؤال ببسأله كل الشباب اللي اتقدموا البنات. يقول او كل البنات اللي اتقدم لهم شباب اعرف منين ان هي دي - [00:43:22](#)

اعرف منين ان هو ده بقى؟ يعني هي ماشي عجباني بس اعرف منين؟ اه اعرف منين ديت؟ يعني ردها انا انا انا قلت الالفاظ ديت يعني ايه عشان آآ يعني باضحك معكم يا شباب يعني ايه التلبيس؟ يعني ان السلوك تلمس. واحد صاحبنا ببسأل واحد ثاني بيقول له لما تقدم لزوجته تعبان فبيقول له اعرف - [00:43:39](#)

قال له هتلاقي فيه سلوك كهربا كده لمست في بعض. هتعرف ساعتها ليه؟ عارف ارش مينيس لما بيقول وجدتها ساعتها هتحس باحساس وجدتها. السبب مش هيبقى شك هو بلا سبب هتحس ان هي دي. هي دي اللي انا بادور عليها. يبقى تحس ان في حاجة لأ التلميس العاطفي. فيه حدث قلبك اتملمست. فيه نقطة فيه - [00:43:59](#)

حاجة تاتش كده بوينت في القلب كده. فيه نقطة اتملمست في قلبك. لما تشوفها لما تكلمها يعني في حاجة والتصاعدي يعني ايه تصاعدي؟ لو انت عايزة تعرفي هو دوت لأ لو انت عايز تعرفي هي دي ولا لأ؟ بمقياس دقيق جدا جدا. اول مرة قابلتها. حسيت بحاجة؟ اه حسيت بحاجة. طب ثاني مرة قابلتها - [00:44:19](#)

نسيت ان الحاجة دي زادت ولا زي ما هي ولا قالت لو زادت يبقى انت ماشي. طب المرة الثالثة زادت يبقى انت ماشي. يبقى ما دام اللمس اللي جوة ديت الطاطشاية اللي في القلب دي بتزيد يبقى انت ماشي. يبقى انت ايه مزبوط طبعا بالضوابط الشرعية يا جماعة. احنا هنتكلم دلوقتي عن الخطوبة ان شاء الله بالضوابط الشرعية - [00:44:39](#)

اداب الموضوع بيزيد يبقى انت ماشي صح. آآ يبقى التلميذ العاطفي التصاعدي بالزات لما تروح آآ في المقابلة الاولى. لما تروح في المقابلة الاولى بقى وتبدأوا تتكلموا كده آآ اتملمسوا. المرة الثانية زادت. المرة الثالثة حسيتي انك انت بتزبدي يبقى - [00:44:59](#)

قواعد الاختيار. يبقى قواعد الاختيار اللي احنا اتكلمناها دلوقتي اتكلمنا عن تلتاشر قاعدة في الاختيار. رقم واحد الدين. رقم اثنين الطبع والاخلاق رقم ثلاثة القبول الشكلي مش الجمال الشكلي القبول الشكلي. رقم اربعة قبول القوامة للرجل. رقم خمسة التكافؤ رقم - [00:45:15](#)

سته الرضا رقم سبعة عدم وجود فيتو من الاهل. خليكو واقعيين. رقم ثمانية عدم الشذوذ في المستوى الاجتماعي في كلاء الاسرتين رقم تسعة عدم الانتماء قبل الزواج. رقم عشرة عدم المواقع الاباحية قبل الزواج. رقم حداشر - [00:45:35](#)

عدم الاستعجال في الاختيار. رقم اتناشر الاستخارة القوية لله. رقم تلتاشر التلميس العاطفي المتصاعد. تلتاشر قاعدة للاختيار. يلا

بسرعة يا جماعة بقى لنقل للجزء الثاني من الدرس عن الدقائق الباقية. باذن الله سبحانه وتعالى. عشر دقائق بس اللي باقيين. طيب يا استاذ ياسر. ان شاء الله ربنا يكرمنا باذن الله - 00:45:55

تبقى الجزء الجزء الثاني من الدرس. ازاى البيت يبقى سعيد بقى؟ قواعد الزواج السعيد. القاعدة الاولى قلناها هي الاختيار. في التلاشر قاعدة اللي فاتوا. هنتكلم دلوقتي على القواعد سريعة يا اخوانا ازاى الجواز يبقى سعيد؟ لان الاختيار لوحده برضه مش هو كل حاجة. الاختيار ده حاجة مهمة جدا جدا. ولكن مش هو الليلة كلها من اولها لآخرها - 00:46:15

يبقى في حاجات تانية من ضمنها ايه؟ رقم واحد عدم ابتغاء رزق الله بالمعصية. عدم ابتغاء قضاء الشهوة بالمعصية. الشباب اللي بيتجوزوا عرف يا اخوانا البنت اللي اتجوزت عرفي في جامعة من جامعات القاهرة وحملت والولد هرب على الخليج ومش عارفة هو فين وبطنها كبرت ومش عارفة - 00:46:35

صلوا هتبقى فضيحة هتبقى مصيبة. راحت جابت وصفة شعبية يعني بدأت تستعملها حصل لها نزيف حاد. كان معها ثلاثة من صاحباتها ماتت بين ايديهم. طبعا خلاص جه وبقي تحقيق واتفضحت البنت بعد موتها انها عاشت والعياذ بالله زانية في الجواز العرفي وماتت وهي تحاول ان تجهض الجنين بعد - 00:46:55

لما كبر يعني قضاء الشهوة بالمعصية ده غلط. البنت اتجوزت عرف الشاب وهي في سنة اولي في جامعة من جامعات القاهرة. وهي في سنة اولي وهي في سنة تالته اتقدم لها عريس لقطة البت وافقت. ما هي بتلعب بقى اهي لعبة وافقت الولد كان هيتجنن. اول ما المحاط خلص قام طالع ماسك الميكروفون بتاع المحاضرة - 00:47:15

وقام مشغل لهم كاسة مسجل لها وهي مش عارفة لحزة لما كانت بتقول له زوجتك نفسي وقبلت زواجك وهم فضحها قدام الدنيا وطبعا خطيبها عرف وخسرت هذه الايه؟ خصلة هذه الزيجة. يبقى قضية عدم ابتغاء قضاء الشهوة بمعصية الله. القاعدة الثانية يا اخوانا في قواعد الزواج السعيد عدم - 00:47:36

تعليق السعادة على الزواج. دي نقطة خطيرة جدا. اوعي تعلقي سعادتك على مخلوق. اوعي تنظني ان جوزك ده لو طلقك. ورماكيش وخانك ولو ما اتجوزتيش خالص اوعي تفتكري ان انت سعادتك في زواج. اوعي تفتكري ان انت سعادتك ان واحدة معينة تتجوزك او انك تتجوز اصلا. اوعوا تعلقوا سعادتكم على - 00:47:56

اوعوا تعلقوا سكينه حياتكم واطمنن قلبكم على مخلوق. دي علاقتكم بالخالق بس. يا اخوانا مصيبة الانسان انه بيحسب حاجة معينة. لو ربنا يقول ربي اكرم من. لو ربنا خدنا منه ربي اهانن. عارفين شجرة الخلد وملك لا يبلى. لما ابليس اقنع عدم ان هي دي الشجرة دي اللي - 00:48:16

السعادة دونا عن الجنة كلها. هو بيقنع الشيطان بيجي لكل واحد يقنعه ان في حاجة معينة هي اللي فيها السعادة دونا عن كل حاجة. البنت يقنعه ان الجواز السعادة. الشاب جوازك من دي هي السعادة. البنت دي مجموع السانوية العامة هو السعادة. الشاب ده التعيين في الشرك ده هو السعادة. وكل حاجة قلبك - 00:48:36

تعلق الناس سبب للسعادة غير الله ربنا يعزبك بها. فعدم تعليق السعادة على الزواج ولا على اي علاقة بمخلوق. الحاجة ان كل واحد هيتجوز على قد دينه. ودي قاعدة مهمة جدا. كل واحد عايز واحدة تسعدك اذا اردت فاطمة فكن عليها. واذا اردت - 00:48:56

امينة فكنس السيد. كل واحد على حسب ما هو هتبقى مراته. يبقى اذا كل واحد هيتجوز على قد الدنيا. اللقاء ده خطيرة جدا يا جماعة. الجواز ده من اه من عطاءات ربنا للصالحين يا اخوانا. فعلا والله عن تجارب الواحد شافها كثير جدا في الحياة. فعايز ربنا يكرمك في جوازك. ومن يهن الله - 00:49:16

اكرم نفسك بعلاقتك بربنا سبحانه وتعالى. القاعدة الرابعة من اسباب النكاح السعادة في الزواج. حسن النية في الزواج. انت بتتجوز ليه؟ حدد هدفك من الزواج قبل ان تخطو اليه. انت بتتجوز عشان متعة ولا بتتجوز عشان هي كده وخلاص. ولا بتتجوز عشان تخلص من بيتكم وتخرج وانت عايزة تخلصي من العلاقة - 00:49:36

التوتره اللي بينك وبين ابوك والمشاكل اللي بينه وبين والدتك. وعايضة تخرجي من البيت ولا تتجوز ليه؟ ولا عشان السي في زي ما

خدت ختم الشهادة الجنة. الجواز طريق للجنة. يبقى حسن النية في الزواج. وانما لكل امرئ ما نوى. يعني ربنا هيدي كل واحد على قد نيته. على قد - [00:49:56](#)

نيتك من الزواج ربنا هيديك. عايز تتجوز زوجة تبقى رفيقة الكفاح والجهاد في سبيل الله. ربنا يديك. عايز تتجوز مطاعم خلاص.

القاعدة اللي بعد كده التصور عن الزواج. يعني ايه التصور السليم - [00:50:14](#)

في بنات داخله جواز معركة اوعي اوعي تسلمي نفسك ليه في الفراش على طول كل ما يطلبك كده هيسترخصك اوعي مامته تتعدى عليك وتسكتي هيدوس عليك. اوعي اوعي يخبي عنك اموره المادية وتسكتي ما يهينكيش. اوعي يقول لك كلمة وما ترديش عليك كلمة بكلمة. هتعيشي طول عمرك - [00:50:26](#)

ايه يا اخويا! هي معركة مين اللي يسيطر! وهو بقى لازم تدبح لها القطة من اول ليلة وهي ممكن تكون مخبية له اسد تحت السرير هتدبحه له. لازم يا اخوانا الجواز مش كده - [00:50:46](#)

الجواز يا اخوانا ده واحد بيحط ايده في ايد واحدة وبيتعاهده انها تفضل ايدهم في ايد بعض لحد ما يوصلوا للجنة. واحد بيحط ايده في ايد احب انسانة الوجود وهي بتسلم ايديها الايد اكثر انسان بيحبها في الحياة. الجواز ده يا جماعة ناقة جبارة ما بين قلب وقلب. قلبين بيقوا قلب واحد - [00:50:56](#)

انت المفروض اول ما تشوف مراتك عايز تعرف هي دي ولا لا؟ شف النص الثاني من التفاحة. انت حسيت ان انت قلبك النص الثاني بتاعه كمل ولا لا؟ الجواز ده حاجة راقية - [00:51:16](#)

جدا في الحياة مش معارك وتربص وتوثق خلاص مش كده يبقى التصور السليم عن الزواج النقطة اللي بعد كده عدم تدخل الاهلي بعد الزواج دي نقطة خطيرة جدا طبعا انا بنصح بها الاهالي جوزوا ولادكم واختاروا لهم وشاركوهم في الاختيار بس لو ركبوا سفينة الزواج ما عدتوش - [00:51:26](#)

تتلوا في السفينة معهم ارفعهم من برة. وجهوهم من برة. انا اعرف بيوتي اتخربت. والله يا اخواني اتخربت. بسبب ان الباب تدخل او امي تدخلت يا عم في بيوت يا جماعة متصدعة اصلا لا تحتل التدخل الخارجي. سيبوهم يصلحوها مع بعض. معلى فيه مشاكل يا عم ما انت تدخلك هيخليها مصايب - [00:51:47](#)

مش هيخليها مشاكل بعد كده بقى النقطة اللي بعد كده عدم تجاوز فترة الخطوبة. الخطوبة دي فترة استئناف لدراسة بعض. بتأكد من دينها من طبعها من في المقابلة الثانية المقابلة الثالثة اكثر من كده بقى تبقى انسان مزبذب. الخطوبة لها ضوابط شرعية لانها انسانة اجنبية عندك. زرتها لازم يبقى في اه في الصالون في مفتوح - [00:52:07](#)

الانترية المفتوح. خرجت معه لأ لازم معها ابوها طبعا واخوها. آآ آ او اخوها كلمتها في التليفون يبقى هي بتتكلم وهي قاعدة في الانترية. مش بتتكلم وهي قافلة على نفسها الواضة - [00:52:27](#)

يعني الخطوبة مش قافلة وفي نفس الوقت ما هياش مراتك. خد بالك. الخطوبة عشان استئناف الدراسة لبعض. الخطوبة عشان بناء السعر المشتركة رغم الضوابط الشرعية بيتبنى مشاعر فيها. وبتبقى فترة بتعيشوا عليها حياتكم بعد كده. الخطوبة فترة مهمة. تجاوزها غلط. تجاوزها - [00:52:37](#)

اتفضل تجاوزها اهمال. الخطوبة فترة استئناف دراسة. هي مش بطيخة يا ابني! هو انت بتاخذ بطيخة هتطلع حمرا هتطلع مش حمرا! ما تتعاماش عن العيوب اللي انت بتشوفها في الخطوبة. ما تتعائيش عن العيوب في الخطوبة. مش عجبك البنت آآ البنت حلوة والبنت بيضا والواد غني خلاص نتعامل ما فيش تعالي. استمر - [00:52:57](#)

في الدراسة لحد قبل كتب الكتاب بخمس دقائق. خلاص يا اخواني في الله وطبعا من من فوائد الخطوبة استمرار التربية الدينية لخطيبتك. آآ النصيحة اللي بعد كده عدم فساد الخطوبة. يعني ايه عدم فساد الخطوبة؟ عشان ما تندميش. آآ يعني انت المرأة الشرقية المجتمع بيديها فرصة واحدة للسعادة في الحياة - [00:53:17](#)

غالبا ما تضيعهاش. بلاش تمحيني ضد التيار في السفينة الوحيدة لسعادتك في الحياة. الجواز مش مغامرة. بلاش تقلب الخطوبة آآ

مسك ايدين وقفلت بيبان ويعني والعياذ بالله وتعديات وحرمات وانتهاك لحرمات الله هترخصي في عينيه. هيبقى ما لكيش قيمة في عينيه هيفضل طول عمره محتقر - [00:53:37](#)

طول حياته اوعم اوعي تسمحى انه يقول لك كلمة بحبك في الخطوبة. اوعي تسمحى انه يقول لك كلمة عاطفية في الخطوبة. اوعي تسمحى انه يمد ايده او يبص لك بصة وحشة في الخطوبة. او يختلي بك في الخطوبة. اوعي تسمحى بهذا. خليك غالية. خليك غالية عشان تفضلي طول عمرك تاج على راسك - [00:53:57](#)

امتهان المرأة في نفسها في الخطوبة حرام شرعا. ومغضب لله وبتحتقر في نظر زوجها. آآ بعد كده يا جماعة يعني طبعاً وفاء قبل الاتفاق ونهني الدرس على هذه القاعدة. طبعاً في قواعد يعني احنا عندنا قواعد كتير ولكن يعني خلونا نبقى ايه؟ الوفاء قبل الاتفاق. الوفاء يا اخوانا - [00:54:17](#)

دي القاعدة اللي بنهني عليها في ناس اول ما بتدخل الجوازة مين هيجيب بقى الايه الخشب الخشب والعفش على العريس والمطبخ والاهزة على العروسة يقول له لا يا حبيبي اذا كان اتفاق قديم وام العريس بقى قاعدة بقى تبص بعينها كده لان مش هيتهم في الجوازة دي. وام العروسة قاعدة تبص لا انا لازم اجيب لبنتي. ده انا بجهزها - [00:54:37](#)

وهي عندها اربع سنين واجيب لها النيش. هم يا اخوانا ايه ده! الوفاء الاول يا اخوانا الوفاء. الحب الاول. ارووا شجرة الزواج بالحب عارفين اخطر صفتين يخلوا الجواز حي لحد ما يبقى الرجل والست عندهم سبعين سنة. ويفضلوا الاتنين ماشيين يتعكزوا على بعض كده - [00:54:59](#)

كلمة الحب كلمة بحبك من الرجل والتزين من الزوجة. كلام الحب للسحر الحلال. والتزين للسحر الحلال. والاتنين دول هم اول حاجتين اول ما بيحصل ضغوط في الحياة ويضيعوا. مع الست ضغطت في المطبخ العيال ضغطوها ما عدش فيه تزين. والرجل اول ما يحس انه مضغوط ولا زعل من مراته انها ما اهتمش ما اهتمش - [00:55:20](#)

ما عدش فيه كلام حب وورد وازهار وحاجات. الاتنين دول ارووا شجرة الحب. عايزين جواز رومانسي. عايزين جواز مليون حب. يا اخوانا انا عايز اقول لكم في النهاية ان الاهلية للزواج لا لها دعوة بالمتدين والغير المتدين. الدرس اللي انا اديته لكم النهازة ده تبع نوع خطير من انواع التربية اسمها التربية الاجتماعية. التربية - [00:55:40](#)

ان لازم رخصة قيادة الاسرة دي قبلها يكون فيه تأهيل. الزواج ده علم لازم طلب علم الزواج وفن الزواج قبل الزواج ما يبقاش عندنا امية امية اسرية لازم نعرف ازاي نتجوز صح. ازاي نختار صح. التشكيل النهائي بقى. آآ ان يعني كل واحد منكم يجيب الدرس ده بقى - [00:56:00](#)

ان شاء الله اللي ما اتجوزوش يجيبوا الدرس ده يكتبوا عناصر كويس جدا. ويبدأوا يذاكروها مع بعض كده ويفتكروها. اللي اتجوزوا يجيبوا الدرس ده يكتبوا عناصر على الاخطاء اللي هم عملوها ولكن طبعاً لا يزال الامل في الاصلاح قم صلح ما فيش حاجة راحت قم مراتك - [00:56:20](#)

خلاص مش دي قدر ربنا جوزك مش ده قدر ربنا صلحيه بقى صلحه بقى صلحوا بعض بالعواطف صلحوا بعض بالحب صلحوا بعض بالتوجه الى الله وربنا ان شاء الله قادر ان البيوت اللي بتحترق. والبيوت اللي بتتصدع ربنا يوقنها ويخليها احسن بيوت في الدنيا. كنا آآ الدرس ده والدرس اللي فات مع انت بتشتري - [00:56:40](#)

راجل المرة اللي فاتت ازاي تستعد صح وللازم الشباب يشتغل. المرة دي ازاي تختار صح؟ والمرة دي خلينا العنوان بتاعها جوازة سوبر. عروسة سوبر السوبر يا رب بازن الله ربنا يرزق كل شاب منكم عروسة سوبر ويرزق كل بنت منكم عريس سوبر ويا رب كل واحد منكم - [00:57:00](#)

وما اتجوزش ربنا يجوزه وكل واحد منا ربنا جوزه واحدة بس. واحدة بس. ربنا يرد لي مراته يا رب ويخليها في عينيه. يخليها اجمل واحدة في سبحانك اللهم وبحمدك اشهد ان لا اله الا انت استغفرك واتوب اليك. وجزاكم الله خيرا - [00:57:20](#)